

1879

## C O D I C E S

1880

laborem resumtum ad finem perduxit.

V. fol. 205. p. 2. Homiletica quaedam de Purgatorio, Poenitentia, Honestate Mulierum ad Clericos, et Festo Dedicationis Ecclesiae, levis momenti.

VI. fol. 214. Sermones, ut in calce fratris Ludwici Heremitanii ordinis. Sec. XV. manu scripti, et quidem, ut ibi additur: *Michaelis de manlebaru*, hodie *Maltebern* Pago Inferioris Austriae. Duplex horum Sermonum, seu *Σχημάτων* potius, est Series. Utraque orditur ab Adventu, et prior quidem: *Hora est iam nos de sompno. in hys verbis monet nos fidelis futuri videlicet Paulus &c.* Altera fol. 238. *Benedictus qui venit in nomine domini. Matth. fratres karissimi istud ewangelium hodie legitur et in ramis palmarum &c.* Utraque partim in Evangelia, partim in Epistolas Dominicar. et Festorum Domini commentatur. Excitat unicum hunc codicem nostrum *Ossingerus* in *Bibl. Augustiniana* p. 521. ubi discimus *F. Johannem Ludovici Herbipolit.* post varia in Ordine gesta munia decessisse a. 1480. *Hierapolitanum* Episcopum et *Subfraganeum Ratisbonensem.*

VII. fol. 256. sequitur *Martyrologium* incipiens a *Circumcisione Domini*, et desinens in *Silvestro Pont.* et *Gerdrude Belgica*, quibus accedit *Notio Transfigurationis* etiam germanice expositae: *ein Wandlung der gestalt daz sich ein dynch verbandelt in ein schöner gestalt*, et *Quatuor Tempo-*

*rum.* Maxime prolixus est Scriptor in vita *S. Oswaldi Regis Scotiae*, & *S. Colomanni Mart.* de quo refert, *Custodem Thesauri Ecclesiae Medlicensis* cum pretiosa supellectili per fenestram se demittere volentem adhaesisse, capiteque in formam caninam mutato latratus edidisse; quibus excitatus *Conventus* furem deprehendit. In universum stupenda et fabulosa sectatur.

VIII. fol. 275. p. 2. Remedium contra Pestem germanice: *Dyfew erczney ward gesant dem chitnikch von Frankbreich von den ärzten von paryz &c.* Quaelia jam alias retuli.

## DCCLXXXIV.

Codex membranaceus lat. Sec. U. 571 XIV. Folior. 452. 8. per duas columnas minutius sed nitide exaratus, coloribus distinctus, et olim, ut in calce notatum est, Collegio Magistrorum Ducali donatus ab *Johanne de Gmunden*, celebri Astronomo nostro a. 1442. defuncto, inscribitur: *Hic incipit opus fratris gilberti ordinis fratrum Minorum in sacra theologia magistri ad diuersos status mundi.* Prooemii initium est: *Executis inspirante donino sex partibus &c.* ut *Vol. I. P. 3. col. 2772.* ubi aliud Exemplar indicavi, et necessaria de *Gilberto Tornacensi* adtuli. Praefens a fol. 155. ad fol. 209. manu Sec. XV. subpletum est. Ad calcem minio subditur: *Expliciunt sermones de diuersis statutibus (sic) hominum. Laus tibi*

1881

H O M I L E T I C I.

1882

*tibi sit criste quoniam liber explicat iste.* Adjectus Index *ὁμωνοματων* Sermonum exhibet.

II. fol. 305. sequitur, ut jam in fronte Codicis post *Gilbertum* adnotatur: *opus iohannis Gallensis quod adpellatur summa collectionum seu breuiloquium.* Observavi jam ad alterum Exemplar, quod hoc *Vol.* inter Codices *Dogmaticos* occurrit, varios hujus Operis ferri Titulos, quos Amanuensium liberalitati, ut videtur, debemus. Sed nos ipsum Autorem audiamus, qui ita orditur: *Cum collectionis huius que potest dici summa collectionum &c.* In *Exemplo cit.* additur: *sive communoquium*, quod hic deest, et fortassis etiam tantum irrepit. Ceterum *Breuiloquium* in Titulo nostro manifestus est Librarii error; ita enim aliud *Wallensis* Opusculum inscribitur, ut testantur Literatores ad Codicem *cit.* a me adducti, quem, si lubet, adi. In praesenti adjectus est praecipuarum materiarum Elenchus.

DCCLXXXV.

R. 3100 Codex membraneus lat. Sec. XIV. Folior. 216. 4. per duas columnas non una manu, et parte quidem priore melius exaratus, rubricis distinctus, et olim *Monasterij Sancte Dorothee in Vienna* aliud est *Gilberti Tornacensis* Exemplar ejusdem cum superiore rationis, nisi quod ad calcem primum *Tabulam Distinctionum* seu Rerum praecipuarum ordine alphabetico habet, dein *Rubricas*,

five Titulos CCXI. Sermonum cum singulorum Initiis.

DCCLXXXVI.

Codex chartaceus lat. Sec. XV. U. 201 ineuntis Folior. 305. 4. a fol. 192. alterius manus rubricis enotatus, continet *Simonis de Cremona O. Erem. S. Aug. Oratoris* Sec. XIV. percelebris *Sermones super Epistolis omnium Dominicarum*, five *Postillarum* Partem II. Prior enim est *super Evangeliiis*. Pars utraque mihi objacet impressa simul *Reutlingae* 1484. f. Utramque inscripsit Autor Fratri suo germano *Antonio*, et nostram quidem ita: *Frater symon de cremona ordinis fratrum Heremitarum sancti augustini viro magne honestatis, maioris caritatis (castitatis?) maxime castitatis (caritatis?) p. antonio eiusdem ciuitatis salutem et osculum pacis.* Et mox: *licet enim vester sim germanus &c.* *Sermonibus* LII. a Dom. I. *Adv.* usque ad Dom. XXIV. post. *Pentec.* constat Opus, et sequente gaudet clausula: *Explicit opus predicabile ad populum super epistolas dominicales compilatum per fratrem symonem de Cremona ordinis fratrum heremitarum Sancti Augustini Scriptum pro parte (posteriore) per me fratrem Nycolaum Muczbas ordinis fratrum predicatorum Anno Domini M. CCCCII. et finitum in die sancti alexij confessoris.* Sequitur Index. De *Simone*, ceterisque ejus Scriptis adi, si lubet, *Ossingeri Bibliothecam Augustin.* p. 275.

G 2

DCC.